

UNIVERZITET U ZENICI METALURŠKI INSTITUT "KEMAL KAPETANOVIĆ" ZENICA	
08.06.2011	
Org.jedi	Broj
83	327

Broj: UPI/03-23-2-116/11
Sarajevo, 02.06.2011. godine

Federalno ministarstvo prostornog uređenja, rješavajući po zahtjevu Univerziteta u Zenici - Metalurški institut "Kemal Kapetanović" Zenica, za davanje ovlaštenja za provođenje radnji ocjenjivanja usklađenosti građevinskih proizvoda, odnosno pojedinih svojstava građevinskih proizvoda, a na osnovu čl. 16. do 22. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", broj 49/10), člana 200. Zakona o upravnom postupku („Službene novine Federacije BiH“, br. 2/98 i 48/99), te mišljenja Stručnog odbora za provođenje radnji ocjenjivanja usklađenosti građevinskih proizvoda, broj: UPI/03-23-2-116/11 od 01.06.2011. godine, d o n o s i:

R J E Š E N J E

1. Daje se ovlaštenje Univerzitetu u Zenici - Metalurški institut "Kemal Kapetanović" Zenica, sa sjedištem u ulici Travnička cesta br. 7 u Zenici, za provođenje radnji ocjenjivanja usklađenosti građevinskih proizvoda, odnosno pojedinih svojstava građevinskih proizvoda, i to:
 - čelici za armiranje i prednapregnuti beton – armaturne šipke, užad i žice,
 - čelici za armiranje i prednapregnuti beton – zavarene mreže,
 - određivanje pritisne čvrstoće betonskih tijela izrađenih od svježeg betona.
2. Redni broj iz evidencije ovlaštenih lica za ovo rješenje je: 2/11.
3. Imenuje se Branka Muminović dipl.ing.met, uposlenica ovlaštenog lica, za odgovornu osobu za provođenje radnji ocjenjivanja usklađenosti građevinskih proizvoda iz tačke 1. alineja 1. i 2. ovog Rješenja - čelici za armiranje i prednapregnuti beton – armaturne šipke, užad i žice, te čelici za armiranje i prednapregnuti beton – zavarene mreže.
4. Imenuje se Kimeta Čaušević dipl.ing.met, uposlenica ovlaštenog lica, za odgovornu osobu za provođenje radnji ocjenjivanja usklađenosti građevinskih proizvoda iz tačke 1. alineja 3. ovog Rješenja - određivanje pritisne čvrstoće betonskih tijela izrađenih od svježeg betona.
5. Univerzitet u Zenici - Metalurški institut "Kemal Kapetanović" Zenica, kao ovlašteno pravno lice, dužno je trajno ispunjavati uslove propisane za dobivanje ovlaštenja. Poslove, za koje je dobilo ovlaštenje, dužno je obavljati u skladu s važećim propisima i pravilima struke, te je o svim promjenama koje mogu uticati na njegovu sposobnost, odnosno uslove za obavljanje poslova, dužno bez odlaganja obavijestiti Federalno ministarstvo prostornog uređenja.
6. Ovo ovlaštenje se izdaje na period od četiri godine, a može se produžavati na isti period ako ovlašteno pravno lice i dalje ispunjava uslove za davanje ovlaštenja.

O b r a z l o ž e n j e

Dana 21.04.2011. godine Univerzitet u Zenici - Metalurški institut "Kemal Kapetanović" Zenica podnio je zahtjev za izdavanje ovlaštenja za provođenje radnji ocjenjivanja usklađenosti građevinskih proizvoda, kako slijedi:

- Čelici za armiranje i prednapregnuti beton – Ispitne metode – Dio 1: Armirane šipke, užad i žice,
- Čelici za armiranje i prednapregnuti beton – Ispitne metode – Dio 2: Zavarene mreže,
- Određivanje pritiskne čvrstoće betonskih tijela izrađenih od svježeg betona.

Uz zahtjev je dostavljena i pribavljena sljedeća dokumentacija:

- Rješenje o registraciji pri Općinskom sudu u Zenici, broj: 043-0-Reg-10-001538 od 18.11.2010. godine,
- Aktuelni izvod iz sudskog registra, izdat od strane Općinskog suda u Zenici, broj: 043-0-RegZ-11-000214 od 07.02.2011. godine,
- Spisak standardnih metoda ispitivanja,
- Spisak opreme za ispitivanja,
- Poslovnik o kvalitetu Mehaničkog laboratorija,
- Akreditacija Instituta za akreditiranje Bosne i Hercegovine - BATA, broj LI-02-01 od 08.01.2003 godine, sa Dodatkom,
- Akreditacija Instituta za akreditiranje Bosne i Hercegovine - BATA, broj LI-02-02 od 30.04.2003 godine, sa Dodatkom,
- Spisak osoblja Mehaničkog laboratorija,
- Spisak zamjenika osoblja Mehaničkog laboratorija,
- Dispozicija opreme Mehaničkog laboratorija,
- Poslovnik o kvalitetu Hemijsko-keramičkomineraloškog laboratorija,
- Spisak osoblja Hemijsko-keramičkomineraloškog laboratorija,
- Dispozicija opreme Hemijsko-keramičkomineraloškog laboratorija za područje keramičkomineraloških ispitivanja,
- Akreditacija Instituta za akreditiranje Bosne i Hercegovine - BATA, broj LI-02-04 od 16.08.2004. godine, sa Dodatkom,
- Odluka o imenovanju Branke Muminović dipl.ing.met. za odgovorno lice za provođenje radnji ocjenjivanja usklađenosti građevinskih proizvoda, broj: 492-82/2011-Mh od 20.04.2011. godine,
- Odluka o imenovanju Kimete Čaušević dipl.ing.met. za odgovorno lice za provođenje radnji ocjenjivanja usklađenosti građevinskih proizvoda, broj: 491-82/2011-Mh od 20.04.2011. godine,
- Dokaz o osiguranju od štete koju bi pravno lice moglo prouzročiti pri obavljanju radnji za koje se daje ovlaštenje – Polica osiguranja „Sarajevo osiguranje“ d.d. Sarajevo – podružnica Zenica,
- Dokaz o podmirenim troškovima postupka davanja ovlaštenja u iznosu od 3.000 KM, na osnovu Rješenja Federalnog ministarstva prostornog uređenja broj: 03-14-3-1461/10 od 04.11.2010. godine.

Odredbama člana 17. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", broj 49/10), propisano je da ovlaštenje za provođenje radnji ocjenjivanja usklađenosti građevinskih proizvoda daje i produžuje federalni ministar prostornog uređenja po prethodno pribavljenom mišljenju Stručnog odbora za građevinske proizvode.

Predmetni zahtjev je razmatran na 4. sjednici Stručnog odbora za provođenje radnji ocjenjivanja usklađenosti građevinskih proizvoda, održane dana 01.06.2011. godine.

Uvidom u spis predmeta i važeće propise, Stručni odbor za provođenje radnji ocjenjivanja usklađenosti građevinskih proizvoda je dao mišljenje da se podnosiocu zahtjeva Univerzitet u Zenici - Metalurški institut "Kemal Kapetanović" Zenica može izdati ovlaštenje za provođenje

radnji ocjenjivanja usklađenosti građevinskih proizvoda, odnosno pojedinih svojstava građevinskih proizvoda, a u skladu sa odredbama člana 21. Pravilnika o uslovima za lica koja provode radnje ocjenjivanja usklađenosti građevinskih proizvoda, i to:

- čelici za armiranje i prednapregnuti beton – armaturne šipke, užad i žice,
- čelici za armiranje i prednapregnuti beton – zavarene mreže,
- određivanje pritiskne čvrstoće betonskih tijela izrađenih od svježeg betona.

Ovo Federalno ministarstvo je razmotrilo mišljenje Stručnog odbora za provođenje radnji ocjenjivanja usklađenosti građevinskih proizvoda, kao i dostavljenu dokumentaciju, te je, u skladu sa odredbama čl. 16. do 22. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", broj 49/10), odlučeno kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega nije dopuštena žalba, ali se protiv istog može pokrenuti upravni spor tužbom kod nadležnog Kantonalnog suda u Sarajevu, u roku od 30 dana od dana prijema istog. Tužba se podnosi u dva istovjetna primjerka i uz istu se prilaže ovo rješenje u originalu ili ovjerenj kopiji.



mr. *Desnica Radivojević*

Dostaviti:

1. naslovu,
2. Federalnoj upravi za inspekcijske poslove, urbanističko-ekološka inspekcija,
3. evidenciji,
4. a/a.